

四庫全書

集部

欽定四庫全書

御定全唐詩卷七百六十二

劉昭禹

劉昭禹字休明桂陽人

一云婺州人

在湖南累為縣令後署

天策府學士終巖州刺史集一卷今存詩九首

拈蒼

一作王几山

盡日行方半諸山直下看白雲隨步起危徑極天盤瀑  
頂橋形小溪邊店影寒往來空太息玄鬢改非難

憶天台山

常記遊靈境道人情不低巖房容偃息天路許相攜霞  
散曙峰外虹生涼瀑西何當塵役了重去聽猿啼

冬日暮國清寺留題

天台山下寺冬暮景如屏樹密風長在年深像有靈高  
鐘疑到月遠燒欲連星因共真僧話心中萬慮寧

靈溪觀

鼇海西邊地宵吟景象寬雲開孤月上瀑噴一山寒人

異髮常綠草靈秋不乾無由此棲息魂夢在長安

懷華山隱者

先生入太華杳杳絕良音秋夢有時見孤雲無處尋  
神清峰頂立衣冷瀑邊吟應笑干名者六街塵土深

贈惠律大師

秋是憶山日禪窓露灑餘幾懸華頂夢應寄沃洲書  
風月資吟筆杉篁籠靜居滿城誰不重見著紫衣初

經費冠卿舊隱

節高終不起死戀九華山聖主情何切孤雲性本閑名  
傳中國外墳在亂松間依約曾棲處斜陽鳥自還

聞蟬

一雨一番晴山林冷落青莫侵殘日噪正在異鄉聽孤  
館宿漳浦扁舟離洞庭年年當此際那免鬢凋零

送休公歸衡

草履初登南嶽船銅瓶猶貯北山泉衡陽舊寺春歸晚  
門鎖寒潭幾樹蟬

句

句向夜深得心從天外歸

見紀事

危樓聊側耳高柳又

鳴蟬

秋日登樓見吟窓雜錄

蘚色圍波井花陰上竹樓

以下見海錄碎

事

對面雷瞋樹當街雨趁人

夏雨

春光懷玉闕萬里

起初程

送人

江上呼風去天邊挂席飛

送人舟行

漆燈尋

黑洞之字上危峰

送人遊九疑

李宏臯

李宏臯善夷之子仕湖南為天策學士官至刑部侍郎

集二卷今存詩二首

銅柱辭

招靈鑄柱垂英烈手執干戈征百越  
誕今鑄柱庇黔黎指畫風雷開五溪  
五溪之險不足恃我旅爭登若平地  
五溪之衆不足平我師輕躡如春冰  
溪人畏威思納質棄汙歸明求立誓  
誓山川兮告鬼神保子孫兮千萬春

題桃源

山翠參差水渺茫秦人昔在楚封疆  
當時避世乾坤窄

此地安家日月長  
草色幾經壇杏老  
巖花猶帶澗一作露

桃香他年倘遂平生志  
來著霞衣侍玉皇

### 何仲舉

何仲舉營道人後唐天成中登進士第仕楚署天策府學士全衡二州刺史詩一首

### 李臯試詩

仲舉年十三家貧輸縣稅不及限李臯為令荷項繫之獄或有言其能詩

臯試之立成釋而延禮焉於是遂銳意就學

似玉來投獄拋家去就枷可憐兩片木夾却一枝花



句

碧雲章句纔離手紫府神仙盡點頭

獻泰王

樹迎高鳥

歸深野雲傍斜陽過遠山

秋日晚望  
上見五代史補

徐仲雅

一作東野

徐仲雅其先秦中人徙居長沙事馬氏為觀察判官天  
冊府學士所業百餘卷行世今存詩六首

畊一作農

夫謠

張緒逞風流王行事輕薄出門逢畊夫顏色必不樂肥

膚如玉潔力拘絲不折半日無畊夫此輩總餓殺

贈齊已

我唐有僧號齊已未出家時宰相器爰見夢中逢五丁  
毀形自學無生理骨瘦神清風一襟松老霜天鶴病深  
一言悟得生死海芙蓉吐出琉璃心悶見有唐風雅缺  
敲破冰天飛白雪清塞清江却有靈遺魂泣對荒郊月  
格何古天工未生誰知主混沌鑿開雞子黃散作純風  
如膽苦意何新織女星機挑白雲真宰夜來調暖律聲

聲吹出嫩青春調何雅澗底孤松秋雨灑嫦娥月裏學  
步虛桂風吹落玉山下語何奇血潑乾坤龍戰時祖龍  
跨海日方出一鞭風雨萬山飛已公已公道如此浩浩  
寰中如獨自一簞松風冷如冰長伴巢由伸脚睡

贈江處士

門在松陰裏山僧幾度過藥靈丸不大棊妙子無多薄  
霧籠寒徑殘風戀綠蘿金烏蕪玉兔年幾一作紀柰公何

東華觀偃松

半已化為石有靈通碧湘生逢堯雨露老直漢風霜月  
滴蟾心水龍遺腦骨香始於毫末後曾見幾興亡

詠梭樹

葉似新蒲綠身如亂錦纏任君千度剝意氣自衝天

宮詞

內人曉起怯春寒輕揭珠簾看牡丹一把柳絲收不得  
和風搭在玉欄杆

句

屋面盡生人耳朶籬頭多是老翁鬚

開居

平分造化雙

苞去拆破春風兩面開

合歡壯丹

雲路半開千里月洞門

斜掩一天春

馬希範夜宴迎四儀夫人

鑿開青帝春風國移下姮

娥夜月樓

馬殷明月園野客叢談

珠璣影冷偏粘草蘭麝香濃

却損花

春園宴

山色曉堆螺黛雨草梢春憂麝香風

衰蘭寂寞含愁綠小杏妖嬈弄色紅  
旁搜水脉湘心

滿遍揭泉根梵底通  
水滴殘青瘦石脂傾盡白

雲空

缺二字

深浦送回芳草日急灘牽斷綠楊風  
藕梢

逆入銀塘裏蘋迹潛來玉井中  
敗菊籬疎臨野渡落

梅村冷隔江楓  
剪開淨澗分苗稼劃破漣漪下釣筒

以上見湘湖故事

### 伍彬

伍彬邳陽人初仕楚後入宋詩一首

### 分水嶺

前賢功及物禹後杳難傳不改古今色平分南北流  
寒衝山影岸清繞荻花洲盡是朝宗去潺潺早晚休

句

稚子出看莎徑沒漁翁來報竹橋流

夏日喜雨

踪跡未辭

鴛鴦客夢魂先到鷓鴣村

辭解牧

楊徽之

楊徽之楚馬殷時人詩一首

留宿廖融山齋

清和春尚在歡醉日何長  
谷鳥隨柯轉庭花奪酒香  
初晴巖翠滴向晚樹陰涼  
別有堪吟處相留宿草堂

句

新霜染楓葉皎月借蘆花

秋

廢宅寒塘水荒墳宿草

煙

哭江為  
見紀事

王元

王元字文元桂林人隱居不仕詩五首

登祝融峰

草疊到孤頂身齊高鳥翔勢疑撞翼軫翠欲滴瀟湘雲  
濕幽崖滑風梳古木香晴空聊縱目杳杳極窮荒



懷翁宏

獨夜思君切無人知此情  
滄州歸未得華髮別來生  
孤館木初落高空月正明  
遠書多隔歲獨念沒前程

聽琴

拂塵開素匣有客獨傷時  
古調俗不樂正聲君自知  
寒泉出澗澀老檜倚風悲  
縱有來聽者誰堪繼子期

哭李韶

韶也命何奇生前與世違  
貧棲古梵刹終著舊麻衣  
雅

句僧抄遍孤墳客弔稀故園今孰在應見夢中歸

題鄧真人遺址

三千功滿仙昇去留得山前舊隱基但見白雲長掩映  
不知浮世幾興衰松梢風觸霓旌動椶葉霜霑鶴翅垂  
近代無人尋異事野泉噴月瀉秋池

句

伴行惟瘦鶴尋步入深雲

贈廖融  
見紀事

廖融

廖融字元素隱居衡山詩七首

謝翁宏以詩百篇見示

高竒一百篇造化見工全積思遊滄海冥搜入洞天神  
珠迷罔象端玉匪雕鐫休嘆不得力離騷千古傳

贈天台逸人

移檜托禪子攜家上赤城拂琴天籟寂敲枕海濤生雲  
白寒峰晚鳥歌春谷晴又聞求桂檝載月十洲行

古檜

何人見植初老樹梵王居山鬼暗棲托樵夫難破除聲  
高秋漢迴影倒月潭虛盡日無僧倚清風長有餘

題伍彬屋壁

圓塘綠水平魚躍紫萼生要路負無力深村老退耕犢  
隨原草遠蛙傍塹籬鳴撥櫂茶川去初逢穀雨晴

夢仙謠

琪木扶疎繫辟邪麻姑夜宴紫皇家銀河旌節搖波影  
珠閣笙簫吸月華翠鳳引遊三島路赤龍齊駕五雲車

星稀猶倚虹橋立擬就張騫搭漢槎

退宮妓

神仙風格本難傳曾從前皇翠輦遊紅躑躅繁金殿暖  
碧芙蓉笑水宮秋寶箏鈿剝陰塵覆錦帳香消畫燭幽  
一旦色衰歸故里月明猶夢按梁州

句

圭竈先知曉盆池別見天古寺尋僧飯寒巖衣鹿裘  
雲穿擣藥屋雪壓釣魚舟

王正已

王正已楚逸人與任鵠凌蟾廖融王元友善詩一首

贈廖融

病起正當秋閣迴酒醒迎對夜  
濤寒爐中藥熟分僧飯  
枕上琴閒借客彈

句

洗盂秋澗日華動搗藥夜坐秋氣深

贈隱者  
見紀事

翁宏

翁宏字大舉桂州人詩三首

送廖融處士南遊

病臥瘴雲間  
莓苔漬竹關  
孤吟牛渚月  
老憶洞庭山  
壯志潛消盡  
淳風竟未還  
今朝忽相遇  
執手一開顏

春殘

又是春殘也  
如何出翠幃  
落花人獨立  
微雨燕雙飛  
寓目魂將斷  
經年夢亦非  
那堪向愁夕  
蕭颯暮蟬輝

秋殘

又是秋殘也無聊意若何客程江外遠歸思夜深多峴  
首飛黃葉湘湄走白波仍聞漢都護今歲合休戈

句

萬木橫秋裏孤舟半夜援

送人

漏光殘井甃缺影背山

椒

詠曉月

風回山火斷潮落岸冰高

湘江吟

張觀

張觀楚馬殷時人詩一首

過衡山贈廖處士



未向漆園為傲吏定應明代作徵君傳家奕世無金玉  
樂道經年有典墳帶雨小舟橫別澗隔花幽犬吠深雲  
到頭終為蒼生起休戀耕煙楚水濱

孫光憲

孫光憲字孟文陵州人為荆南高從誨書記歷檢校秘  
書兼御史大夫有集五十餘卷今存詩八首

竹枝詞二首

門前春水白蘋花岸上無人小艇斜商女經過江欲暮

散拋殘食飼神鴉

亂繩千結絆人深  
越羅萬丈表長尋  
楊柳在身垂意緒  
藕花落盡見蓮心

楊柳枝詞四首

閨一作間門風暖落花乾  
飛遍江城雪不寒  
獨有晚來臨

水驛閑人多凭赤欄干

有池有榭即濛濛  
浸潤翻成長養功  
恰似有人長點檢  
著行排立向春風

根柢雖然傍濁河無妨終日近笙歌  
毵毵金帶誰堪比還共黃鶯不較多

萬株枯槁怨亡隋似弔吳臺各自垂  
好是淮陰明月裏酒樓橫笛不勝吹

採蓮

菡萏香連十頃陂小姑貪戲採蓮遲  
晚來弄水船頭濕更脫紅裙裹鴨兒

八拍蠻

孔雀尾拖金線長  
怕人飛起入丁香  
越女沙頭爭拾翠  
相呼歸去背斜陽

句

曉廚烹淡菜  
春杼種橦花

和南越詩

劉章

劉章字克明江左人  
事湖南馬氏詩一首

詠蒲鞋

吳江浪浸白蒲春  
越女初挑一樣新  
纔自繡窓離玉指

便隨羅襪上香塵石榴裙下從容久玳瑁筵前整頓頻  
今日高樓鴛瓦上不知拋擲是何人

路洵美

路洵美永州祁陽人唐相巖之孫避地湘潭事馬氏署  
連州從事詩一首

夜坐

簾捲竹軒清四鄰無語聲漏從吟裏轉月自坐來明草  
木露華濕衣裳寒氣生難逢知鑒者空悅此時情

梁震

梁震邛州依政人登進士第梁開平初歸蜀道過江陵  
高季興留之與司空薰王保義同為賓客震獨不受辟  
署自號荆臺隱士集一卷今存詩一首

荆臺道院

桑田一變賦歸來爵祿焉能挽我哉黃犢依然花竹外  
清風萬古凜荆臺



御定全唐詩卷七百六十二

# 欽定四庫全書

集部

御定全唐詩卷七百六十三至六

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣金光悌

謄錄監生臣王頌脩



欽定四庫全書

御定全唐詩卷七百六十三

楊夔

楊夔唐末為田頔客集五卷今存詩十二首

寧州道中

城枕蕭關路胡兵日夕臨  
唯憑一炬火以慰萬人心  
春老雪猶重沙寒草不深  
如何驅匹馬向此獨閑吟

尋九華王山人

下馬扣荆扉相尋春半時  
捫蘿盤磴險疊石渡溪危  
松夾莓苔逕花藏薜荔  
籬卧雲情自逸名姓厭人知

金陵逢張喬

殊鄉會面時辛苦兩情知  
有志年空過無媒命共奇  
吟餘春漏急語舊酒巡遲  
天爵如堪倚休驚鬢上絲

送鄒尊師歸洞庭

衆島在波心曾居

一作爲

舊隱林近聞飛檄急轉億卧雲

深賣藥唯供酒歸舟只載琴  
遙知明月夜坐石自開襟

送日東僧遊天台

一瓶離日外行指赤城中去自重雲下來從積水東攀  
蘿躋石徑挂錫憩松風回首鷄林道唯應夢想通

題甘露寺

高殿拂雲霓登臨想虎溪風勻帆影衆煙亂鳥行迷北  
倚波濤濶南窺井邑低滿城塵漠漠隔岸草萋萋虛閣  
延秋磬澄江響暮輦客心還惜去新月挂樓西

送張相公出征

得意在當年登壇秉國權漢推周勃重晉讓趙宣賢儒  
德尼丘降兵鈴太白傳援毫飛鳳藻發匣吼龍泉歷火  
金難耗零霜桂益堅從來稱玉潔此更讓朱妍鴛鴦臻  
門下貌貅擁帳前去知清朔漠行不費陶甄獻畫符中  
旨推誠契上玄願將班固筆書頌勒燕然

題鄭山人郊居

谷口今逢避世才入門瀟灑絕塵埃漁舟下釣乘風去  
藥醞留賓待月開數片石從青嶂得一條泉自白雲來

竹軒相對無言語盡日

一作肆目

南山不欲迴

題宣州延慶寺益公院

咸通中入講  
極承恩澤

嘿坐能除萬種情  
臘高兼有賜衣榮  
講經舊說傾朝聽  
登殿曾聞降輦迎  
幽逕北連千嶂碧  
虛窓東望一川平  
長年門外無塵客  
時見元戎駐旆旌

寄當陽袁皓明府

高人為縣在南京  
竹遶琴堂水遶城  
地古既資攜酒興  
務閒偏長看山情  
松軒待月僧同坐  
藥圃尋花鶴伴行

百里甚堪留惠愛莫教空說魯恭名

送杜郎中入茶山修貢

一道澄瀾徹底清仙郎輕棹出重城採蘋虛得當時稱  
述職那同此日榮劍戟步經一作搖高障黑綺羅光動百

花明謝公攜妓東山去何似乘春奉詔行

送鄭谷

春江潏潏清且急春雨濛濛密復疎一曲狂歌兩行淚  
送君兼寄故鄉書

杜建徽

杜建徽字延光新登人隨錢鏐征伐累立戰功官至丞相中書令封鄖國公詩一首

自叙

建徽累征伐皆單衣入陣敵無不披靡年老尚能騎射嘗從擊毬於廣場興酣有宿

中箭鏃自臂中飛出人皆壯之為詩自叙

中劍斫耳缺被箭射胛過為將須有膽有膽即無賈

沈韜文

沈韜文湖州人事錢鏐為元帥府典謁累官左衛上將

軍改湖州刺史詩一首

游西湖

首句缺

菰米蘋花似故鄉不是不歸歸未得

好風明月一思量

王繼勲

王繼勲審知諸孫連重遇之亂泉州軍將留從效擁立  
為刺史後執送南唐詩一首

贈和龍妙空禪師



白面山南靈慶院茅

一作卯

齋道者雪峰禪只棲雲樹兩

三畝不下煙蘿四五年猿鳥認聲呼喚易龍神降伏住  
持堅誰知今日秋江畔獨步醫王闡法筵

劉乙

劉乙字子真泉州人仕閩為鳳閣舍人棄官隱安溪鳳  
髻山集一卷今存詩一首

題建造寺

曾看畫圖勞健羨如今親見畫猶麗滅除天半石初泐

欠却幾株松未枯題像閣人漁浦叟集生臺鳥謝城鳥  
我來一聽支公論自是吾身幻得吾

句

掃石雲隨帚耕山鳥傍人

閩志

夏鴻

夏鴻閩王氏客也詩一首

和贈和龍妙空禪師

翰林遺跡鏡潭前孤峭高僧此處禪出為信門興化日

坐當吾國太平年身同瑩澈尼珠淨語並鋒鏖慧劍堅  
道果已圓名已遂即看千匝遶香筵

劉山甫

劉山甫彭城人為王審知判官詩一首

題青草湖神祠

并序

山甫父官嶺外侍從北歸泊青草湖見天王祠廟  
宇傾頽香火不續題詩云云是夜夢為天王所責  
云我南嶽神主張此地何為見侮俄而驚覺風浪

卷之十三  
暴起殆欲沈溺遽起令撤詩板然後方定

壞墻風雨幾經春  
草色盈庭一座塵  
自是神明無感應  
盛衰何得却由人

張昭

張昭南漢時人詩一首

漢宗廟樂舞辭

高廟明靈再啟圖  
金根玉輅幸神都  
巢阿丹鳳銜書命  
入昴飛星獻寶符  
正撫薰弦娛赤子  
忽登仙駕泣蒼梧

薦櫻鶴館茹簫咽酌卮金楹劔珮趨星俎雲壘蕪曾禮  
朱干象箭雜巴渝氤氲龍麝交青瑱髣髴錫鑾下蔡珠  
薦豆奉觴親玉几配天合祖耀璿樞受釐飲酒皇歡洽  
仰俟餘靈泰九區

顏仁郁

顏仁郁字文傑泉州人仕王審知為歸德場長詩二首

農家

夜半呼兒趁曉耕羸牛無力漸艱行時人不識農家苦

將謂田中穀自生

山居

栢樹松陰覆竹齋  
罷燒藥竈縱高懷  
世間應少山間景  
雲遶青松水遶堦

王延彬

王延彬閩王審知弟審邽之子  
官節度使時中原人士  
楊承休鄭璘韓偓歸傳懿  
楊贊圖鄭戩等皆避亂入閩  
依審邽審邽振賦以財遣延彬  
作招賢館禮焉詩二首

春日寓感

兩衙前後訟堂清  
軟錦披袍擁鼻行  
雨後綠苔侵履跡

春深紅杏鎖

一作啟

鶯聲因攜久  
醞松醪酒自煮  
新抽竹

一作綠

筍羹也解為詩也  
為政儂家何似謝宣城

哭徐黃

延壽溪頭歎逝波  
古今人事半消磨  
昔除正字今何在

所謂人生能幾何

延壽溪黃所居也

御定全唐詩卷七百六十三



欽定四庫全書

御定全唐詩卷七百六十四

譚用之

譚用之字藏用五代末人善為詩而官不達詩一卷

塞上

秋風漢北雁飛天單騎那堪遠  
賀蘭磧暗更無巖樹影  
地平時有野燒癡貂披寒色  
和衣冷劍佩胡霜隔匣寒  
早晚橫戈似飛尉擁旄深入異田單

鉢略城邊日欲西遊人却憶舊山歸牛羊集水煙黏步  
鵲鷲盤空雪滿圍獵騎靜逢邊氣薄成樓寒對暮煙微  
橫行總是男兒事早晚重來似漢飛

贈索處士

不將桂子種諸天長得尋君水石邊玄豹夜寒和霧隱  
驪龍春暖抱珠眠山中宰相陶弘景洞裏真人葛稚川  
一度相思一惆悵水寒煙澹落花前

別碓下一二知己

金鼎光輝照雪袍  
雒陽春夢憶波濤  
塵埃滿眼人情異  
風雨前程馬足勞  
接塞峨眉通蜀險  
過山仙掌倚秦高  
別來無限幽求子  
應笑區區味六韜

約張處士遊梁

莫學區區老一經  
夷門關吏舊書生  
晉朝滅後無中散  
韓國亡來絕上卿  
龍變洞中千谷冷  
劍橫天外八風清  
好攜長策干時去  
免逐漁樵度太平

送友人歸青社

鵬鶚途程在碧天  
綵衣東去復何言  
三千賓客舊知己  
十二山河新故園  
吟看桂生溪月上  
醉聽鯢化海濤翻  
好期聖代重相見  
莫學袁生老竹軒

送丁道士歸南中

孤雲無定鶴辭巢  
自負焦桐不說勞  
服藥幾年期碧落  
驗符何處咒丹毫  
子陵山曉紅雲密  
一作落青草湖平雪浪高  
從此人稀見蹤跡  
還應選地種仙桃

月夜懷寄友人

劍氣徒勞望斗牛  
故人別後阻仙舟  
殘春謾道深傾酒  
好月那堪獨上樓  
何處是非隨馬足  
由來得喪白人頭  
清風未許重攜手  
幾度高吟寄水流

閑居寄陳山人

閑居何處得閑名  
坐掩衡茅損性靈  
破夢曉鍾聞竹寺  
沁心秋雨浸莎庭  
甕邊難負千杯一作鍾  
綠海上終眠萬  
仞青珍重先生全  
太古應看名利似  
浮萍

憶南中

碧江頭與白雲門別後秋霜點鬢根長記學禪青石寺  
最思共醉落花村林間竹有湘妃淚窓外禽多杜宇魂  
未棹扁舟重回首采薇收橘不堪論

寄友人

病多慵引架書看官職無才思

一作興

已闌穴鳳瑞時來

却易人龍別後見何難琴樽風月閑生計金玉松筠舊  
歲寒早晚煙村碧江畔挂罾重對蓼花灘

別江上一二友生

國風千載務重華  
須逐浮雲背若耶  
無地可歸堪種玉  
有天教上且乘槎  
白綸巾卸蘇門月  
紅錦衣裁御苑花  
他日成都却回首  
東山看取謝鯤家

寄岐山林逢吉明府

岐山高與隴山連  
製錦無私服晏眠  
鸚鵡語中分百里  
鳳凰聲裏過三年  
秦無舊俗雲煙媚  
周有遺風父老賢  
莫役生靈種楊柳  
一枝枝折灞橋邊

感懷呈所知

十年流落賦歸鴻  
誰傍昏衢駕燭龍  
竹屋亂煙思梓澤  
酒家疎雨夢臨邛  
千年別恨調琴懶  
一片年光覽鏡慵  
早晚休歌白石爛  
放教歸去卧羣峰

江上聞笛

誰為梅花怨未平  
一聲高喚百龍驚  
風當閶闔庭初靜  
月在姑蘇秋正明  
曲盡綠楊涵野渡  
管吹青玉動江城  
臨流不欲殷勤聽  
芳草王孫舊有情

寄孟進士



依舊池邊草色芳故人何處憶山陽書回科斗江帆暮  
曲罷騶虞海樹蒼吟望曉煙思桂渚醉依殘月夢餘杭  
別來南國知誰在空對檐褕一斷腸

寄閻記室

織錦歌成下翠微豈勞西去問檣機未開水府珠先見  
不掘豐城劍自輝黿逐玉蟾攀桂上馬隨青帝踏花歸  
相逢半是雲霄客應笑歌牛一布衣

幽居寄李祕書

幾年帝里阻煙波敢向明時叩角歌  
看盡好花春卧穩醉殘紅日夜吟多  
印開夕照垂楊柳畫破寒潭老芰荷  
昨夜前溪有龍聞石橋風雨少人過

貽釣魚李處士

罷吟鸚鵡草芊芊又泛鴛鴦水上天  
一棹冷涵楊柳雨片帆香挂芰荷煙  
綠搖江澹萍離岼紅點雲疎橘滿川  
何處邈將歸畫府數莖紅蓼一漁船

河橋樓賦得羣公夜讌

芙蓉簾幕扇秋紅  
蠻府新郎夜讌同  
滿座馬融吹笛月  
一樓張翰過江風  
杯黏紫酒金螺重  
談轉玊璫玉塵空  
深荷良宵慰顛顚  
德星池館在江東

寄左先輩

狂歌白鹿上青天  
何似蘭塘釣紫煙  
萬卷祖龍坑外物  
一泓孫楚耳中泉  
翩翹蠻榼薰晴浦  
轂轆魚車響夜船  
學取青蓮李居士  
一生杯酒在神仙

貽費道人

誰如南浦傲煙霞  
白葛衣輕稱帽紗  
碧玉蜉蝣迎客酒  
黃金轂轆釣魚車  
吟歌雲鳥歸樵谷  
卧愛神仙入畫家  
他日鳳書何處覓  
武陵煙樹半桃花

寄許下前管記王侍御

昔年南去得娛賓  
頻遜杯前共好春  
螳泛羽觴蠻酒膩  
鳳銜瑤句蜀牋新  
花憐遊騎紅隨轡  
草戀征車碧遶輪  
別後青青鄭南陌  
不知風月屬何人

秋日圃田送人隨計

僕射陂前是傳郵去程鵬鶚弄高秋吟拋芍藥栽詩圃  
醉下茱萸飲酒樓向日迴飛駒皎皎臨風誰和鹿呦呦  
明年二月仙山下莫遣桃花逐水流

途次宿友人別墅

千里嶠函一夢勞豈知雲館共蕭騷半簾綠透偎寒竹  
一榻紅侵墜晚桃蠻酒客稀知味長蜀琴風定覺弦高  
感君巖下閑招隱細縷金盤鱠錯刀

春日期巢湖舊事

暖掠紅香燕燕飛五雲仙珮曉相攜花開鸚鵡韋郎曲  
竹亞虬龍白帝溪富貴萬場歸紫酒是非千載逐芳泥  
不知多少開元事露泣春叢向日低

再遊韋曲山寺

鵲巖煙斷玉巢敲罨畫春塘太白低馬踏翠開垂柳寺  
人耕紅破落花蹊千年勝槩咸原上幾代荒涼繡嶺西  
碧吐紅芳舊行處豈堪回首草萋萋

寄徐拾遺

長竿一繫白龍吟，誰和騶虞發素琴。  
野客碧雲魂易斷，故人芳草夢難一作同尋。  
天從補後星辰穩，海自潮來島嶼深。

好向明庭拾遺事，莫教玄豹老泉林。

### 秋宿湘江遇雨

江上陰雲鎖夢魂，江邊深夜舞劉琨。  
秋風萬里芙蓉國，暮雨千家薜荔村。  
鄉思不堪悲橘柚，旅遊誰肯重王孫。  
漁人相見不相問，長笛一聲歸島門。

### 貽南康陳處士陶

白玉堆邊蔣逕橫空涵二十四灘聲老無征戰軒轅國  
貧有茅茨帝舜城丹鳳書飛羣木冷一龍秋卧九江清  
時人莫笑非經濟還待中原致太平

渭城春晚

秦樹朦朧春色微香風煙煖樹依依邊城夜靜月初上  
芳草路長人未歸折柳且堪吟晚檻弄花何處醉殘暉  
釣鄉千里斷消息滿目碧雲空自飛

山中春晚寄賈員外



不隨黃鶴起煙波  
應笑無成返薜蘿  
看盡好花春卧穩  
醉殘紅日夜吟多  
高漆雅興松千尺  
暗養清音竹數科  
珍重仙曹舊知己  
往來星騎一相過

貽淨

一作安

居寺新及第

秋池雲下白蓮香  
池上吟仙寄竹房  
閒頌國風文字古  
靜消心火夢魂涼  
三春蓬島花無限  
八月銀河路更長  
此境空門不曾有  
從頭好語與醫王

江邊秋夕

千鍾紫酒薦

一作煮

菖蒲松島蘭舟潏灩居曲內橘香江

客笛字中嵐氣岳僧書吟期汗漫驅金虎坐約丹青跨  
玉魚七色花虬一聲鶴幾時乘興上清虛

送僧中孚南歸

琵琶峽口月溪邊玉乳頭佗憶舊川一錫冷涵蘭徑路  
片帆香挂橘洲煙苔封石錦棲霞室水迸衣珠噴玉蟬  
莫道翩翩去如夢本來吟鳥在林泉

江館秋夕

耿耿銀河鴈半橫夢敲金井轆轤輕滿窓謝練江風白  
一枕齊紈海月明楊柳敗梢飛葉響菱荷香柄折秋鳴  
誰人更唱陽關曲牢落煙霞夢不成

秋夜同友人話舊

露下銀河鴈度頻囊中爐火幾時真數莖白髮生浮世  
一盞寒燈共故人雲外簾涼吟嶠月島邊花暖釣江春  
何當歸去重攜手依舊紅霞作近鄰

古劍

鑄時天匠待英豪紫焰寒星匣倍牢三尺何年拂塵土  
四溟今日絕波濤雄應垓下收蛇陣滯想溪頭伴豹韜  
惜是真龍懶拋擲夜來衝斗氣何高

寄王侍御

鳥盡弓藏良可哀誰知歸釣子陵臺鍊多不信黃金耗  
吟苦須驚白髮催喘月吳牛知夜至嘶風胡馬識秋來  
燕歌別後休惆悵泰已成畦菊已開

別何處士陵俊老

三皇上人春夢醒東侯老大麒麟生洞連龍穴全山冷  
窓透鰲波盡室清計拙恥居巖麓老氣狂慙與斗牛平  
誰人為向青編上直傍巢由寫一名

句

流水物情諳世態落花春夢厭塵勞

貽僧

織檻錦紋苔

乍結墮書花印菊初殘

宿西溪隱士

光陰老去無成事富

貴不來爭奈何

途中

眠雲無限好知己應笑不歸花滿

樽

入關以上並吟窓雜錄

御定全唐詩卷七百六十四

欽定四庫全書

御定全唐詩卷七百六十五

王周

王周登進士第曾官巴蜀詩一卷

胡震亨云唐宋藝文志並無其人惟文獻

通考載入唐人集目中今考峽船詩序引陸魯望茶具詩其人蓋在魯望之後而詩題紀年有戊寅已卯兩歲近則梁之貞明遠則宋之太平興國也自註地名又有漢陽軍興國軍為宋郡號殆五代人而入宋者

泊姑熟口

杳杳金陵路難禁欲斷魂雨晴山有態風晚水無痕遠

色千檣岼愁聲一笛村如何遣懷抱詩畢自開尊

湖口縣

柴桑分邑載圖經屈曲山光展畫

一作翠

屏最是蘆洲東

北望人家殘照隔煙汀

岳州衆湖阻風二首

衆湖湖口繫蘭船睡起中餐又却眠風伯如何解迴怒  
數宵檣倚碧蘆煙

偶繫扁舟枕綠莎旋移深處避驚波曉來閑共漁人話



此去巴陵路幾多

問春

遊絲垂幄雨依依  
枝上紅香片片飛  
把酒問春因底意  
為誰來後為誰歸

春荅

花枝千萬趁春開  
三月瓓珊即自回  
剩向東園種桃李  
明年依舊為君來

西塞山二首

今謂之道士磯即興  
國軍大冶縣所隸也

西塞名山立翠屏濃嵐橫入半江青千尋鐵鎖無由問  
石壁空存道者形

匹婦頑然莫問因匹夫何去望千春翻思岵岵傳詩什  
舉世曾無化石人

使風

風起即千里風回翻問津沈思宦遊者何啻使風人

石首山

荆江東南流至此山即西北流下川  
峽澤之大首有石因而為名也

首出崔嵬占上游迴存濃翠向荊州空聞別有回山力

却見長江曲尺流

金口步

在江北漢陽軍下必鐵也

兩山闔咽喉羣石矗牙齒行客無限愁橫吞一江水

采桑女二首

渡水采桑歸蠶老催上機札札得盈尺輕素何人衣  
採桑知蠶飢投梭惜夜遲誰誇羅綺叢新畫學月眉

渡溪

渡溪溪水急水濺羅衣濕日暮猶未歸盈盈水邊立

落葉

素律鏐欲脆青女妒復稀月冷天風吹葉葉乾紅飛

宿疎陂驛

秋染棠梨葉半紅荊州東望草平空誰知孤宦天涯意  
微雨蕭蕭古驛中

再經秣歸二首

總角曾隨上峽船尋思如夢可悽然夜來孤館重來宿  
枕底灘聲似舊年

秣歸城邑昔曾過舊識無人奈老何獨有淒清難改處  
月明聞唱竹枝歌

霞

拂拂生殘暉層層如裂緋天風翦成片疑作仙人衣

巫山公署壁有無名氏戲書二韻

施州路一百八盤

南陵直上路盤盤平地凌雲勢萬端堪笑巴民不厭足  
更嫌山少畫山看

道院

白日人稀到簾垂道院深雨苔生古壁雪雀聚寒林忘  
慮憑三樂消閑信五禽誰知是官府煙縷滿鑪沈

會噲岑山人

戊寅仲冬六日

渝州江上忽相逢說隱西山最上峰略坐移時又分別  
片雲孤鶴一枝筇

巴江

巴江江水色一帶濃藍碧仙女瑟瑟衣風梭晚來織

小園桃李始花偶以成詠

桃李栽成豔

一作置

格新數枝留得小園春半紅半白無

風雨隨分天容解笑人

### 公居

公居門館靜旅寄萬州城山共秋煙紫霜并夜月清無  
愁千酒律有句入詩評何必須林下方馳吏隱名

### 富池口

扁舟閑引望望極更盤桓山密礙江曲雨多饒地寒短  
莎煙冉冉驚浪雪漫漫難寫愁何限鄉關在一端

夔州病中

隱几經旬疾未痊  
孤燈孤驛若為眠  
郡樓昨夜西風急  
一一更籌到枕前

題廳壁

永日無他念  
孤清吏隱心  
竹聲并雪碎  
溪色共煙深  
數息閑凭几  
緣情默寄琴  
誰知同寂寞  
相與結知音

過武寧縣

九月十九日

行過武寧縣  
初晴物景和  
岼回驚水急  
山淺見天多  
細



草濃藍潑輕煙足練拖晚來何處宿一笛起漁歌

路次覆盆驛

曾上青泥蜀道難架空成路入雲寒如何却向巴東去  
三十六盤天外盤

藕池阻風寄同行撫牧裘鴈

船檣相望荆江中岼蘆汀樹煙濛濛路間隄缺水如箭  
未知何日生南風

無題二首

冰雪肌膚力不勝  
落花飛絮遶風亭  
不知何事鞦韆下  
蹙破愁眉兩點青

梨花如雪已相迷  
更被驚烏半夜啼  
簾捲玉樓人寂寂  
一鉤新月未沉西

泊巴東

偶泊巴東古縣前  
宦情鄉思兩綿綿  
不堪蠟炬燒殘淚  
雨打船窓半夜天

道中未開木杏花

粉英香夢一般般無限行人立馬看村女浴蠶桑柘綠  
枉將顏色忍春寒

西山晚景

公局長清淡池亭晚景中  
蕨竿閒倚碧蓮朵靜淹紅半  
引彎彎月微生颼颼風無思復無慮此味幾人同

自和

一片殘陽景朦朧淡月中  
蘭芽紆嫩紫梨頰抹生紅  
琴阮資清格冠簪養素風  
煙霄半知足一作吏隱少相同

齒落詞

已卯至庚辰仲夏晦之暮吾齒右排上一齒脫而去呼  
吸缺吾防咀嚼欠吾助年簪惜不返日馭走為蠹屑亡  
得無寒舌在從何訴輔車宜長依髮膚可增懼不須考  
前古聊且為近喻有如雲中雨雨散絕回顧有如枝上  
葉葉脫難再附白髮非獨愁紅顏豈私駐何必鬱九回  
何必牽百慮開尊復開懷引筆作長句

淘金磧

畫船晚過淘金磧不見黃金惟見石猶恐黃金價未高  
見得鎔銖幾多力

施南路偶書

俗謂大市嶺即音之訛近  
皆歲再去秭歸寄家處

大石嶺頭梅欲發南陵陂上雪初飛苦無酒解愁成陣  
又附蘭橈向秭歸

大石嶺驛梅花

已卯十一月十三日

仙中姑射接瑤姬成陣清香擁路岐半出驛牆誰畫得  
雪英相倚兩三枝

贈怵師

水中有片月照耀嬋娟姿庭前有孤栢竦秀歲寒期堅  
然物莫遷寂焉心為師聲發響必荅形存影即隨雪花  
安結子雪葉寧附枝蘭死不改香井寒豈生澌晨鑪煙  
裊裊病髮霜絲絲丈室冰凜冽一衲雲離披顧此名利  
場得不慙冠綬一作綬

遊仙都觀

冷杉枯栢路盤空毛髮生寒略略風雨漢真仙在何處

巡香行遶藥珠宮

誌峽船具詩

并序

峽山之船與下之船大抵觀浮葉而為之其狀一也執而為用者或狀殊而用一或狀同而名異皆有謂也下之船有檣有五兩有帆所以使風也尾有拖傍有棚上者以其山曲水急下有石皆不可用也狀直如艚前後各一者謂之梢船之斜正敲側為船之司命者梢類拖其狀殊而船之便於事

者悉不如梢作梢詩榜槳橈擢拔使其進而無退  
利涉川澤為船之陳力者榜幾槳類其狀同而異  
名也在船有力悉不如榜作榜詩峽水湍峻激石  
忽發者謂之瀆湍湍而凝者謂之腦岍石壁立瀆  
之忽作篙力難制以其木之堅韌竿直戟其首以  
竹納護之者謂之戩竹為綫而句其戩者謂之納  
為船之良輔者戩與篙狀殊而用一也在船獨出  
悉不如戩作戩詩崖石如齒非麻杓紉繩之為前



牽取竹之筍者破而用梟為勒以續之以備其牽者謂之百丈繫其船首者謂之陽紐牽之者擊鼓以號令之人聲灘亂無以相接所以節動止進退牽之防礙者謂之下緯濟其不通為船之先進者梟與竹狀殊而用一也在船先容悉不如百丈作百丈詩噫古人觀物因事為誌者甚多也予祇命憲局沿汴巴實抵瞿塘耳目熟於長年三老輩矣船具之於船有力者作詩以稱之庶幾魯望茶經

者也俾系其末詩云

梢

制之居首尾俾之辨斜正首動尾聿隨斜取正為定有  
如提吏筆有如執時柄有如秉師律有如宣命令守彼  
方與直得其剛且勁既能濟險難一作艱何畏涉遼窅招

招俾作主汎汎實司命風鳥愧斟酌畫鷁空輝映古人  
存豐規猗歟聊引證

觴

用之大曰艣冠乎小者楫通津既能濟巨浸即橫涉身  
之使者頰虎之拏者爪魚之撥者鬣弩之進者策此實  
為相湏相湏航一葉

戩

箭飛峽中水鋸立峽中石峽與水為隘水與石相擊瀆  
為生險艱聲發甚霹靂三老航一葉百丈空千尺蒼黃  
徒爾為倏忽何可測篙之小難制戩之獨有力猗嗟戩  
之為彬彬堅且直有如用武人森森矗戈戟有如敢言

士落落吐胸臆拯危居坦夷濟險免兢惕誌彼哲匠心  
俾其來一作求者識

百丈

少嘗侍先君餘閒誦白氏始得入峽詩深味作詩旨云  
有萬仞山云有千丈水自念坎壈時尤多兢慎理山東  
峽如口水漱石如齒孤舟行其中薄冰猶坦履屢顏屹  
馬立洶湧勃然起百丈為前牽萬險即平砥破之以簣  
簣續之以麻象礪之堅以節引之直如矢杼軸連半空

長短隨兩涘鐵鎖枉馳名錦纜謾稱美長繩豈能繫朽  
索何足擬苟非綰之為胡可力行此

早春西園

引步携筇竹西園小徑通雪敲梅蒂綠春入杏梢紅靜  
意崖穿溜孤愁笛破空如何將此景收拾向圖中

金盤草詩

生寧江巫山  
南陵林木中

今春從南陵得草名金盤金盤有仁性生在林一端根  
節歲一節

其根一年生一節人  
採而服可解毒也

食之甘而酸風俗競採

掇俾人防急難巴中虵虺毒解之如走丸巨葉展六出

軟幹分長竿搖搖綠玉活裊裊香荷寒世云暑酷月鬱

有神物看

夏中採之則必有巨蛇銜足人即難採

天之產於此意欲生民

安今之為政者何不反此觀知彼苛且猛慎勿虐而殘  
一物苟失所萬金惟可歎莫並蒿與萊豈羨芝及蘭勤  
渠護根本栽植當庭欄寄言好生者休說神仙丹

和程刑部三首

公會亭

公事公言地標名信必臧江山如得助談笑若為妨均  
賦鄉原肅詳刑郡邑康官箴居座右夙夜算難忘

碧鮮亭

颺颺籠清籟蕭蕭鏤翠陰向高思盡節從直美虛心迴  
砌滋蒼蘚幽窓伴素琴公餘時引步一徑靜中深

清漣閣

照影翻窓綺層紋滉額波絲青迷岼柳茸綠蘸汀莎片

雪

一作雲

翹飢

一作野

鷺孤香卷嫩荷憑欄堪入畫時聽竹

枝歌

自喻

予念天之生生本空疎器五歲稟慈訓憤悱讀書志七  
歲辨聲律勤苦會詩賦九歲執公卷倜儻千名意乞薦  
鄉老書幸會春官試折桂愧巍峩依蓮何氣味性拙絕  
不佞才短無餘地前年會知己薦章實非據寧見民說  
平空荷君恩寄瞿塘抵巴渝往來名攬轡孤舟一水中  
艱險實可畏羣操百丈牽臨難無苟避瀆向江底發水



在石中沸槌鼓稱打寬繫紉呼下緯善惡胡可分死生  
何足諱騎衡與垂堂非不知前喻臨淵與履冰非不知  
深慮我今縻搢紳善地誰人致城狐與社鼠巧佞誰從  
庇奴顏與婢膝醜直誰從媚妻兒負限越容顏幾憔悴  
致身霄漢人吮噉盡賢智

巫山廟

廟前溪流潺潺廟中修竹聲珊珊襄王一夢杳難問  
晚晴天氣歸雲閒

下瞿塘寄時同年

春寒天氣下瞿塘  
大壤溪前柳線長  
須信孤雲似孤宦  
莫將鄉思附歸艎

和杜運使巴峽地暖節物與中土異黯然有感  
詩三首

隨柳參差破綠芽  
此中依約欲飛花  
春光是處傷離思  
何況歸期未有涯

始看菊蕊開籬下  
又見梅花寄嶺頭  
攬轡巴西官局冷

幾憑春酒沃鄉愁

花品姚黃冠洛陽  
巴中春早羨孤芳  
不知別有栽培力  
流詠新詩與激昂

施南太守以猿兒為寄作詩答之

得之黔中  
生即頭白

虞人初獲酉江西  
長臂難將意馬齊  
今日未啼頭已白  
不堪深入白雲啼

巫廟

巴水走若箭  
峽山開如屏  
洶湧足練白  
齒翠濃藍青  
崖

空蓄雲雨灘惡驚雷霆神仙宅幽邃廟貌橫杳冥隱約  
可一夢縹緲餘千齡名利有所役舟楫無暫停悉宰垂  
盼蠻祠禱希安寧鵙鵙爾何物飛飛來廟庭紛紛颺寥  
次遠近隨虛舲鐵石礪甬爪金碧輝光翎翔集託陰險  
鵙啄貪羶腥日既恃威福歲久為精靈依草與附木誣  
詭殊不經城狐與社鼠瑣細何足聽況乎人假人心闊  
吞滄溟

御定全唐詩卷七百六十五

欽定四庫全書

御定全唐詩卷七百六十六

劉兼

劉兼長安人官榮州刺史詩一卷

胡震亨云雲間朱氏得宋刻唐百家詩兼

集中有長春節詩為宋太祖誕節其人蓋五代人而入宋者

貴遊

繡衣公子宴池塘  
淑景融融萬卉芳  
珠翠照天春未老  
管絃臨水日初長  
風飄柳線金成穗  
雨洗梨花玉有香

醉後不能離綺席擬憑青帝繫斜陽

夢歸故園

桐葉飛霜落井欄菱花藏雪助衰顏  
夜窓颯颯搖寒竹  
秋枕迢迢夢故山  
臨水釣舟橫荻

一作葦

岸隔溪禪侶啟

柴關覺來依舊三更月離緒鄉心起萬端

舊館秋寒夜夢長水簾疎影入迴塘  
宦情率爾拖魚

一作

漁艇客恨依然在燕梁  
白鷺獨飄山面雪紅蕖全謝鏡  
心香起來不語無人會  
醉倚東軒半夕陽

蜀都春晚感懷

蜀都春色漸離披，夢斷雲空事莫追。  
宮闕一城荒作草，王孫猶自醉如泥。  
誰家玉笛吹殘照，柳市金絲拂舊堤。  
可惜錦江無錦濯，海棠花下杜鵑啼。

對雨

幽庭凝碧亦漣漪，簷雷聲繁聒夢歸。  
半岫金烏纔委照，一川石燕又交飛。  
濯枝霖霖榴花吐，吹渚飄飄暑氣微。  
因憶故園閑釣處，蒼苔斑駁滿漁磯。

春霽

春霽江山似畫圖  
醉垂鞭袂出康衢  
猖狂亂打鼍鼉鼓

懶慢遲

一作稽懶慵

修鴛鴦書  
老色漸來欺鬢髮  
閑情將欲

傲簪裾  
苔錢遍地知多少  
買得花枝不落無

秋夕書懷

荒僻淹留歲已深  
解龜無計恨難任  
守方半會蠻夷語  
賀厦全忘燕雀心  
夜靜倚樓悲月笛  
秋寒敲枕泣霜砧  
宦情總逐愁腸斷  
一飭鱸魚直萬金



直氣從來不入時  
掩關慵更釣磻溪  
斯文未喪宣尼歎  
吾道將窮阮籍悲  
輕粉覆霜凝夜砌  
亂金鋪菊織秋籬  
南陽卧久無人問  
薄命非才有可疑

春宵

春雲春日共朦朧  
滿院梨花半夜風  
宿酒未醒珠箔捲  
艷歌初闋玉樓空  
五湖范蠡才堪重  
六印蘇秦道不同  
再取素琴聊假寐  
南柯靈夢莫相通

秋夕書懷呈戎州郎中

素律初迴枕簟涼。松風飄泊入華堂。譚雞寂默紗窓靜。  
夢蝶蕭條玉漏長。歸去水雲多阻隔。別來情緒足悲傷。  
霜砧月笛休相引。只有離襟淚兩行。

風送秋荷滿鼻香。竹聲敲玉近虛廊。夢迴故國情方黯。  
月過疎簾夜正涼。菱鏡也知移艷態。錦書其柰隔年光。  
鸞膠處處難尋覓。斷盡相思寸寸腸。

晚樓寓懷

薄暮疎林宿鳥還。倚樓垂袂復憑欄。月沈江底珠輪淨。

雲鎖峰頭玉葉寒，劉毅暫貧雖壯志。  
馮唐將老自低顏，無言獨對秋風立。  
擬把朝簪換釣竿。

征婦怨

金閨寂寞罷妝臺，玉筯闌干界粉腮。  
花落掩關春欲暮，月圓敲枕夢初迴。  
鸞膠豈續愁腸斷，龍劍難揮別緒開。  
曾寄錦書無限意，塞鴻何事不歸來。

對鏡

青鏡重磨照白鬚，白鬚閑撫意何如。  
故園迢遞千山外，

荒郡淹留四載餘風送竹聲侵枕簟月移花影過庭除  
秋霜滿領難消釋莫讀離騷失意書

春燕

多時窓外語呢喃只要佳人捲繡簾大厦已成須慶賀  
高門頻入莫憎嫌花間舞蝶和香趁江畔春泥帶雨銜  
栖息數年情已厚營巢爭肯傍他簷

春晚寓懷

一承兌澤蒞方州八度春光照郡樓好景幾將官吏醉

名山時領管弦遊  
空花任爾頻侵眼  
老雪從他漸滿頭  
歸去杜陵池閣在  
只能歡笑不能愁

中春宴遊

二月風光似洞天  
紅英翠萼簇芳筵  
楚王雲雨迷巫峽  
江令文章媚蜀箋  
歌黛入顰春袖

一作岫

斂舞衣新繡曉

霞鮮酒闌香袂初  
分散笑指漁翁釣  
暮煙

春晚閒望

東風滿地是梨花  
只把琴心殢酒家  
立處晚樓橫短笛

望中春草接平沙雁行斷續晴天遠燕翼參差翠幕斜  
歸計未成頭欲白釣舟煙浪思無涯

秋夕書事

搖落江天萬木空雁行斜戛塞垣風征閨擣月離愁遠  
舊館眠雲旅夢通郢客豈能陪下里臯禽爭肯戀樊籠  
此心曠蕩誰相會盡在南華十卷中

蓮塘霽望

新秋菡萏發紅英向晚風飄滿郡聲萬疊水紋羅乍展

一雙鸛鵲繡初成採蓮女散吳歌闌拾翠人歸楚雨晴  
遠岸牧童吹短笛蓼花深處信牛行

送從弟舍人入蜀

嘉陵江畔餞行車離袂難分十里餘慷慨莫誇心似鐵  
留連不覺淚成珠風光川谷梅將發音信雲天雁未疎  
立馬舉鞭無限意會稀別遠擬何如

新迴車院筵上作

迴車院子未迴車三載疲民詠袴襦借寇已承英主詔

乞骸頂上老臣書黃金蜀柳籠朱戶碧玉湘筠映綺疏  
因問滿筵詩酒客錦江何處有鱸魚

寄長安鄭員外

屈指良交十四人隙駒風燭漸為塵當初花下三秦客  
只有天涯二老身乘醉幾同遊北內尋芳多共謁東隣  
此時阻隔關山遠月滿江樓淚滿巾

咸陽懷古

高秋咸鎬起霜風秦漢荒陵樹葉紅七國聞雞方賈勇



中原逐鹿更爭雄  
南山漠漠雲常在  
渭水悠悠事旋空  
立馬舉鞭遙望處  
阿房遺址夕陽東

春怨

繡林紅岸落花鈿  
故去新來感自然  
絕塞杪春悲漢月  
長林深夜泣湘絃  
錦書雁斷應難寄  
菱鏡鸞孤貌可憐  
獨倚畫屏人不會  
夢魂纔別戍樓邊

登樓寓望

憑高多是偶汎瀾  
紅葉何堪照病顏  
萬疊雲山供遠恨

一軒風物送秋寒背琴鶴客歸松徑橫笛牛童卧蓼灘  
獨倚郡樓無限意夕陽西去一作遺水東還

江岸獨步

醉卓寒筇傍水行漁翁不會獨吟情龜能顧印誰相重  
鶴偶乘軒自可輕簪組百年終長物文章千古亦虛名  
是非得喪皆閑事休向南柯與夢爭

江樓望鄉寄內

獨上江樓望故鄉淚襟霜笛共淒涼雲生隴首秋雖早

月在天心夜已長  
魂夢只能隨蛺蝶  
煙波無計學鴛鴦  
蜀箋都有三千幅  
總寫離情寄孟光

命妓不至

琴中難挑孰憐才  
獨對良宵酒數杯  
蘇子黑貂將已盡  
一作  
宋弘青鳥又空回  
月穿淨牖霜成隙  
風捲殘花錦  
作堆  
敲枕夢魂何處去  
醉和春色入天台

宣賜錦袍設上贈諸郡客

十月芙蓉花滿枝  
天庭驛騎賜寒衣  
將同玉蝶侵肌冷

也遣金鵬遍體飛夜卧始知多忝竊晝行方覺轉光輝  
深冬若得朝丹闕太華峰前衣錦歸

晨雞

朱冠金距絳毛身昧爽高聲已報晨作瑞莫慚先貢楚  
擅場須信獨推秦淮南也伴升仙犬函谷曾容借曉人  
此日卑棲隨飲啄宰君驅我亦相馴

芳春

微雨微風隔畫簾金爐檀炷冷慵添桃花滿地春牢落

柳絮成堆雪棄嫌寶瑟不能邀卓氏綵毫何必夢江淹  
宦情歸興休相撓隼旆漁舟總未厭

春遊

柳成金穗草如茵載酒尋花共賞春先人醉鄉君莫問  
十年風景在三秦

搖搖離緒不能持滿郡花開酒熟時羞聽黃鸝求善友  
強隨綠柳展愁眉隔雲故國山千疊傍水芳林錦萬枝  
聖主未容歸北闕且將勤儉撫南夷

重陽感懷

重陽不忍上高樓  
寒菊年年照暮秋  
萬疊故山雲總隔  
兩行鄉淚血和流  
黃茅莽莽連邊郡  
紅葉紛紛落釣舟  
歸計未成年漸老  
茱萸羞戴雪霜頭

載花乘酒上高山  
四望秋空八極寬  
蜀國江山存不得  
劉家豚犬取何難  
張儀舊壁蒼苔厚  
葛亮荒祠古木寒  
獨對斜陽更惆悵  
錦江東注似波瀾

宴遊池館

綺筵金碧照芳菲  
酒滿瑤卮水滿池  
去歲南岐離郡日  
今春東蜀看花時  
儉蓮發臉當籌著  
緒柳生腰按柘枝  
座客半酣言笑狎  
孔融懷抱正怡怡

寄高書記

齊朝慶裔祖敖曹  
麟角無雙鳳九毛  
聲價五侯爭辟命  
文章一代振風騷  
醉琴自寄陶家意  
夢枕誰聽益郡刀  
補袞應星曾奏舉  
北山南海孰為高

再見從弟舍人

屈指依稀十五年  
鸞臺秘閣位相懸  
分飛淮甸雁行斷  
重見江樓蟾影圓  
滯跡未偕朝北闕  
高才方命入西川  
願君通理須還早  
拜慶慈親几杖前

春晝醉眠

朱欄芳草綠纖纖  
敲枕高堂捲畫簾  
處處落花春寂寂  
時時中酒病恹恹  
塞鴻信斷雖堪訝  
梁燕詞多且莫嫌  
自有卷書銷永日  
霜華未用鬢邊添

中夏晝卧



寂寂無聊九夏中  
傍簷依壁待清風  
壯圖竒策無人問  
不及南陽一卧龍

春夕寓興

忘憂何必在庭萱  
是事悠悠竟可寬  
酒病未能辭錦里  
春狂又擬入桃源  
風吹楊柳絲千縷  
月照梨花雪萬團  
閑泥金徽度芳夕  
幽泉石上自潺湲

春夜

薄薄春雲籠皓月  
杏花滿地堆香雪  
醉垂羅袂倚朱欄

小數玉仙歌未闕

訪飲妓不遇招酒徒不至

小橋流水接平沙何處行雲不在家  
畢卓未來輕竹葉  
劉晨重到殢桃花  
琴樽冷落春將盡  
幃幌蕭條日又斜  
回首却尋芳草路  
金鞍拂柳思無涯

春宴河亭

柳擺輕絲拂嫩黃  
檻前流水滿池塘  
一筵金翠臨芳岼  
四面煙花出粉牆  
舞袖逐風翻繡浪  
歌塵隨燕下雕梁

蠻箋象管休凝思且放春心入醉鄉

蜀都道中

劍關雲棧亂崢嶸得喪何由險與平千載龜城終失守  
一堆鬼錄漫留名季年必不延昏主薄賞那堪激懦兵  
李特後來多二世納降歸擬盡公卿

萬葛樹

第六句  
缺一字

葉如羽蓋豈堪論百步清陰鎖綠雲善政已聞思召伯  
英風偏稱號將軍靜鋪講席麟經潤高拂關枝兔影分

更有歲寒霜雪操莫將檇櫟擬相羣

春夕遣懷

窮通分定莫淒涼且放歡情入醉鄉  
范蠡扁舟終去相馮唐半世只爲郎  
風飄玉笛梅初落酒汎金樽月未央  
休把虛名撓懷抱九原丘隴盡侯王

西齋

西齋新竹兩三莖也有風敲碎玉聲  
莫恨移來欄檻遠譬如元本此間生

新蟬

齊女屏幃失舊容  
侍中冠冕有芳蹤  
翅翻晚鬢尋香露  
聲引秋絲逐遠風  
旅館聽時髭欲白  
戍樓聞處葉多紅  
只知送恨添愁事  
誰見凌霄羽蛻功

寄滑州文秀大師

分飛屈指十三年  
菡萏峰前別社蓮  
薄宦偶然來左蜀  
孤雲何事在南燕  
一封瑤簡音初達  
兩處金沙色共圓  
珍重湯休惠佳句  
郡齋吟久不成眠

中春登樓

金杯不以滌愁腸江郡芳時憶故鄉  
兩岸煙花春富貴一樓風月夜淒涼  
王章莫耻牛衣淚潘岳休驚鶴鬢霜  
歸去蓮花歸未得白雲深處有茅堂

古今通塞莫咨嗟謾把霜髯敵歲華  
失手已慙蛇有足用心休為鼠無牙  
九天雲淨方憐月一夜風高便厭花  
獨倚郡樓人不會釣舟春浪接平沙

自遣

未上亨衢獨醉吟  
賦成無處博黃金  
家人莫問張儀舌  
國士須知豫讓心  
照乘始堪沽善價  
陽春爭忍混凡音  
鵑鵬鱗翼途程在  
九萬風雲海浪深

偶有下殤因而自遣

彭壽殤齡共兩空  
幻泡緣影夢魂中  
缺圓宿會長如月  
飄忽浮生疾似風  
修短百年先後定  
賢愚千古是非同  
南柯太守知人意  
休問陶陶塞上翁

倦學

此首用韻錯訛

樂廣亡來冰鏡稀  
宓妃嫫母混妍媸  
且於霧裏藏玄豹  
休向窓中問碧鷄  
百氏典墳空自苦  
一堆螢雪竟誰知  
門前春色芳如畫  
好掩書齋任所之

去年今日

去年今日到榮州  
五騎紅塵入郡樓  
貔虎只知迎太守  
蠻夷不信是儒流  
姦豪已息時將泰  
疲瘵全蘇歲又周  
聖主若容辭重祿  
便歸煙水狎羣鷗

晝寢



花落青苔錦數重書淫不覺避春慵恐情枕上飛莊蝶  
任爾雲間騁陸龍玉液未能消氣魄牙籤方可滌昏蒙  
起來已被詩魔引窓外寒敲翠竹風

郡齋寓興

依約樊川似旭川郡齋風物盡蕭然秋庭碧蘚鋪雲錦  
晚閣紅蕖簇水仙醉筆語狂揮粉壁歌梁塵亂拂花鈿  
情懷放蕩無羈束地角天涯亦信緣

郡樓閒望書懷

郡城樓閣繞江濱風物清秋入望頻銅鼓祭龍雲塞廟  
蘆花飄市雪粘人蓮披淨沼羣香散鷺點寒煙玉片新  
歸去杜陵池館在且將朝服拂埃塵

玉燭花

嫋嫋香英三四枝亭亭紅艷照階墀正當晚檻初開處  
却似春闈就試時少女不吹方熠燿東君偏惜未離披  
夜深斜倚朱欄外擬把隣光借與誰

從弟舍人惠茶

曾求芳茗貢蕪詞果沐頒露味甚奇龜背起紋輕炙處  
雲頭翻液乍烹時老丞倦悶偏宜矣舊客過從別有之  
珍重宗親相寄惠水亭山閣自攜持

再看光福寺牡丹

去年曾看牡丹花蛺蝶迎人傍彩霞今日再遊光福寺  
春風吹我入仙家當筵芬馥歌唇動倚檻嬌羞醉眼斜  
來歲未朝金闕去依前和露載歸衙

海棠花

淡淡微紅色不深依依偏得似春心  
煙輕號國顰歌黛露重長門斂淚衿  
低傍繡簾人易折密藏香藥蝶難尋  
良宵更有多情處月下芬芳伴醉吟

新竹

近窓卧砌兩三叢佐靜添幽別有功  
影鏤碎金初透月聲敲寒玉乍搖風  
無憑費叟煙波碧莫信湘妃淚點紅  
自是子猷偏愛爾虛心高節雪霜中

木芙蓉

素靈失律詐風流強把芳菲半載偷是葉藏蕤霜照夜  
此花爛熳火燒秋謝蓮色淡爭堪種陶菊香穠亦含羞  
誰道金風能肅物因何厚薄不相侔

送二郎君歸長安

我兒辭去淚雙流蜀郡秦川兩處愁紅葉滿山歸故國  
黃茅徧地住他州荷衣曉挂慙官吏菱鏡秋窺訝鬢鬆  
好向雲泉營舊隱莫教莊叟畏犧牛

送文英大師

屈指平陽別社蓮蟾光一百度曾圓孤雲自在知何處  
薄宦參差亦信緣山郡披風方穆若花時分袂更淒然  
搖鞭相送嘉陵岼回首羣峰隔翠煙

酬勾評事

閑庭敲枕正悲秋忽覺新編浣遠愁才薄只愁安雁戶  
夷人內有雁戶蓋徙移不定之故也年高空憶復漁舟鷺翹皓雪臨汀岼

蓮嬌紅香匝郡樓對景却慙無藻思南金荆玉卒難酬

初至郡界

嘉陵江畔接榮川兩畔旌旗下瀨船郡印已分炎瘴地  
朝衣猶惹御爐煙蓮塘小飲香隨艇月榭高吟水壓天  
錦字莫嫌歸路遠華夷一統太平年

到郡後有寄

一作到郡後寄西川從弟  
舍人右司閤郎中齊殿院

蜀路新修盡坦平交親深幸再逢迎正當返袂思鄉國  
却似歸家見弟兄霑澤只慙堯綍重泝流還喜范舟輕  
欲將感戀裁書首多少魚箋寫得成

長春節

聖朝佳節遇長春跪捧金爐祝又焚寶藏發來天地秀  
兵戈銷後帝皇尊太平基址千年永混一車書萬古存  
更有馨香滿芳檻和風遲日在蘭蓀

登郡樓書事

偶奉綸書蒞旭川郡樓嘉致盡依然松敲鳥道雲藏寺  
月滿漁舟水浸天望帝古祠花簇簇錦城歸路草芊芊  
有時倚檻垂雙袂故國風光似眼前

旭川祁宰思家而卒因述意呈秦川知已



歲稔民康絕訟論政成公暇自由身朝看五馬閒如社  
夜擁雙姬煖似春家計不憂憑冢子官資無愧是朝臣  
豈同齷齪祁員外至死悲涼一婦人

登郡樓書懷

煙雨樓臺漸晦冥錦江澄碧浪花平卞和未雪荆山耻  
莊舄空傷越國情天際寂寥無雁下雲端依約有僧行  
登高欲繼離騷詠魂斷愁深寫不成

邊郡荒涼悲且歌故園迢遞隔煙波琴聲背俗終如是

劍氣衝星又若何  
朝客漸通書信少  
釣舟頻引夢魂多  
北山更有移文者  
白首無塵歸去麼

莫嘆阮氏哭途窮  
萬代深沈恨亦同  
瑞玉豈知將抵鵲  
鉛刀何事却屠龍  
九夷欲適嗟吾道  
五柳終歸效古風  
獨倚郡樓無限意  
滿江煙雨正冥濛

偶聞官吏舉請輒有一篇寄從弟舍人

官吏潛陳借寇詞  
宦情鄉夢兩相違  
青城錦水無心住  
紫閣蓮峰有意歸  
張翰鱸魚因醉憶  
孟光書信近春稀

黃茅瘴色看看起貪者猶疑別是機

誠是非

巧舌如簧總莫聽是非多自愛憎生三人告母雖投杼  
百犬聞風只吠聲辨玉且寬和氏罪誣金須認不疑情  
因思疇昔遊談者六國交馳亦受烹

簡豎儒

蹄涔豈信有滄浪螢火何堪竝太陽淵奧未曾探禹穴  
矜誇便擬越邱墻小巫神氣終須怯下里音聲必不長

近日冰壺多晦昧虎皮羊質也觀光

貽諸學童

橫經叉手步還趨積善方知慶有餘  
五個小雛離學院一行新雁入貧居  
攘羊告罪言何直舐犢牽情理豈虛  
勸汝立身須苦志月中丹桂自扶疎

御定全唐詩卷七百六十六